

Рабоче-Крестьянской Красной Армии политическая пропаганда орган'эсты реорганизовать карон но военной комиссар'эслэсь институтсэс кылдытон сярысь

СССР-лэн ВЕРХОВНОЙ СОВЕТЭЗЛЭН ПРЕЗИДИУМЕЗЛЭН УКАЗЭЗ

Асьмелы пумит Жутэм война выжыеныз ик воштыз Красной Армии ужан обстановкаез. Война паськытатиз асьме армиямы политической уж нуонэз но кулэ кариз, чтобы политработник'эс асьэс ужэс медаз ограничивать карылы пропагандаен, а мед басытозы ас вылазы ответственность озы ик фронт'эсын военной уж понна но.

Мукет ласянь война усложнить кариз полкын но дивизион командирлэсь ужэз но кулэ каре, чтобы полкэн но дивизион командирезлы политической работник'эс ласянь мед луоз сэтэмын тырмыт юрттэт кызы ке политической уж нуон ласянь, озы ик военной уж нуон ласянь но.

Политработник'эслэн ужазы ваньмыз та выль обстоятельствоос, куд'эсыз герзаськемын мирной дырысь военной дыре выжемен, кулэ каро сое, чтобы Жутэмын мед луоз политработник'эслэн рользы но ответственностьсы—со сямен ик, кызы та вал ино-

СССР-лэн Верховной Советэзлэн Президиумезлэн Председателэз М. КАЛИНИН.
СССР-лэн Верховной Советэзлэн Президиумезлэн Секретарез А. ГОРКИН.

Москва, Кремль. 16 июля 1941 арн.

Юнматэмын СССР-лэн Верховной Советэзлэн Президиуменыз

Рабоче-Крестьянской Красной Армии военной комиссар'эсыз сярысь

ПОЛОЖЕНИЕ

1. Красной Армии ваньмаз полк'эсаз но дивизионаз, штаб'эсаз, военно-учебной заведениосаз но учреждениосаз кызы ке фронтны, озы ик тылы кылдытське военной комиссар'эслэн институтсы.

2. Военной Комиссар луэ Партилен но Правительстволэн Красной Армии представителэз и со командирен Чош нуэ быдэскын ответственность войсковой частьлэн боевой задачаез быдэс'ямез понна, бойын солэн стойкостез понна и асьме родинамылэн тушмон'эсызлы пумит берпум вир шапыкез дорозь зол жугиськыны дась луон понна и соватской муз'емлэсь котькуд вамышсэ юн возьман понна.

3. Аслаз частяз (соединенияз) военной комиссар луэ нравственной кивалт'ысь, солэсь материальной но духовной интерес'эссэ нырысь защитник. „Если полкэн командирез луэ полкэн главаез, то полкэн комиссарез луыны кулэ аслаз полкэзлэн бубиз но склэмез“ (Сталин).

4. Боевой задачаосты честно но самоотверженно быдэс'ясь командирлы, солэн вань ужаз, военной комиссар котькызы ик юрттоно луэ, юнматэно командирлэсь авторитетсэ но высшой командованилэсь вань приказ'эссэ быдэс'ямез туж зол контролировать кароно.

5. Командирлэсь но политработниклэсь званиэз нуллыны ярасьтэм командир'эс но политработник'эс сярысь, Рабоче-Крестьянской Красной Армии лэсь нимзэ саптасьэс сярысь военной комиссар дырыз дур'я одно ик ивортоно луэ Верховной Командованилы но Правительстволы.

6. Асьме Родинамылэн тушмон'эсызлы пумит жугиськыны военной комиссар войско-

странной военной интервенциялы пумит гражданской война вакытэ.

Таин валче но Обороналэн Государственной Комитетэзлэсь но Главком'эслэсь пожелаюссэс санэ басытыса, СССР-лэн Верховной Советэзлэн Президиумез ПУКТЭ:

1. Политической пропаганда Управлениосты но Отдел'эсты реорганизовать кароно Рабоче-Крестьянской Красной Армии лэн политической управлениосызлы но политической отдел'эсызлы.

2. Красной Армии ваньмаз полк'эсаз но дивизионаз, штаб'эсаз, военно-учебной заведениосаз но учреждениосаз кылдытоно военной комиссар'эслэсь институтсэс, нош ротасын, батареяосын, эскадрон'эсын—политической руководителэслэсь институтсэс.

Юнматэно Положениез Рабоче-Крестьянской Красной Армии лэн полк'эсаз но дивизионаз военной комиссар'эс сярысь.

ослэсь мылкыдзэс жутоно луэ. Бойлэн туж серьезной дыр'эсаз военной комиссар храбростылэн но отвагалэн личной примереныз войсковой частьлэсь боевой мылкыдзэ жутоно луэ и одно ик боевой приказэз быдэстэно.

7. Военной комиссар поощрять но популяризировать кароно луэ зеч'эссэ боец'эсты но командир'эсты, воспитывать кароно луэ войсковой частьлэсь личной составзэ отвагалы, смелостылы, хладнокровиялы, инициативалы но сметкалы, воспитывать кароно луэ кулонлэсь кышкантимы но асьме Родинамылэсь тушмон'эссэ пумозяз быдтыны понна нур'ясыкыны дась луонэз.

8. Военной комиссар, красноармеец'эслэн но командир'эслэн паськыт массаоссы выле пыкиськыса, туж чурьт нур'яскон нуоно луэ кышкасьэслы, паникер'эслы но дезертир'эслы пумит, юн кыны революционной порядок но воинской дисциплина пычатыса. Обороналэн Наркоматэзлэн Куиньметей Управлениезлэн орган'эсыныз ас действооссэс координировать карыса, военной комиссар выжыеныз быдтоно луэ котькыче изменаез.

9. Военной комиссар кивалтэ политорган'эсын, а озы ик войсковой частьлэн партийной но комсомольской организациосынызы.

10. Политрук аслаз ужаз подотчетной луэ полкэн комиссарезлы, полкэн комиссарез—дивизион комиссарезлы, дивизион комиссарез—Армии лэн Военной Советэзлы но Красной Армии лэн Главной политической Управлениезлы.

11. Полк'я, дивизия, управление, учреждение ваньзэ приказ'эсты командир но военной комиссар подписать каро.

КЫЗЫ МОН

УСЬКЫТИ ТУШМОНЛЭСЬ БОМБАРДИРОВЩИКСЭ

Советской Союзлэн Героезлэн младшой лейтенантлэн Харитонов-лэн верамез

28 июле мон пукисько аэродромын, дежурной машинаын. Мыным матынгес ик луэ вал мынам боевой эше младшой лейтенант Литаврин. Со озы ик дозорын служба нуэ вал.

Витьымтэ шорысь, иньмын адскиз тушмонлэн самолетэз. Со—„Юнкерс-88“ пикирующей бомбардировщик. Тревогалы сигнал сётиськиз, Литавринлэн машинаез соку ик омыре Жутскиз.

Көня ке минут ортчем бере, мынам „душесэ“ омырын вал иви. „Юнкерс“ съоры уиськов кутскиз.

Бомбардировщикез самой быж бордаз ик, самой лябыт интыяз, жугыны мон ой быгаты, малы ке шуоно, та тушмон бомбардировщик муз'ем дорт'гес кошкыны кутскиз. Урдэс ласянь мыноно луиз. Мон котырски но көня ке пол пулеметэн ыбыл. Мон пумитэ противник но ыбыл. Бэрысьгес тодмо луиз, что тушмонлэн пуляосыз мынам машинаелэсь пасяллям всасывающей патрубкэс, вей воээн баксэ, стабилизаторэ но элеронзэ. Таке сёриськон'эс луизы ке но, мынам машинае мынэсьтым умой кылзылиз.

Противник вылэ эшшо көня ке пол мынэм бере, мон шодски, что мынам боеприпас'эсы быриллям. „Неужели та тушмонэз наказать карытэк лезэно луоз?“—зырдаса малпай мон. „Юнкерс“ дорозь кусып 30—50 метрлэсь кыдэ-кын бвёл, но та кусып но ялан матэ вуэ. Мыным малпан лыкты: „Тушмонэз винтэн, винтэн быдтон!“

Ойяз ваньмыз, чилектэм кадэ, жог ортчиз. Машинаме беркыт: мынам самолетэзлэн винтэзлэн пумыз берга тушмонлэн истребительезлэн кабинэз но корпусэз выльы. Аслэсьтым машинаме мон шонертй „Юнкерслэн“ мыш бордаз мырзиськонэ. Винтэн валлапал пумыз нырысь ик бералтыз поворот лэсьтылон рулез, со бере нош—глубиналэсь рульзэ. Мынам йыр вадьсам сёриськем металл пырыос, пырдылэм эз'эс ворека'язы...

Тушмонлэн бомбардировщикез муз'ем вылэ усиз.

Тушмонэз быдтэм бере, мон аслэсьтым машинаме асьме пала беркыт но асьме войскоослэн улон районы муз'ем вылэ умой пукты.



ДЕЙСТВУЮЩЕЙ АРМИИ
Асьме доблестной летчик'ёсынымы усьбытэм фашистской бомбардировщик.
Фотоез Д. Черновлэн.
ТАСС-лэн фотохроникаез.

Умой инициатива

Школаосты выль дышетскон арлы дасянын районьсытымы общественность балзым юрттэг сэтэ. Черепановской движение асьме районьн но улонэ пырыны кутскиз.

Кыквинской сельсоветысь колхозник'ёс 13 но 14 июле школары юрттыны ветлызы. 80 мурт пыдын но 12 валэн ужазы. Школары юрттонын бадзым уж орчытэмын. 100 кубометр пу дасямын, школа лэн липетэз ремонтировать каремын, участокез кенерамын, класс'ёсын вешалкаос лэсьтэмын, конопатить карон орчытэмын. Та нунал'ёсы школары выль дышетскон арлы пу дасян быдэстэмын луоз.

„Козино“ колхозысь колхозник'ёс асьсэ инициативанызы начальной школаез перестроить каро. 6 муртэн нимысьтыз строительной бригада кылдытэмын. Школаез 1 сентябрь лэсьтыса быдэстыны колхозник'ёс обязательство сётзы.

Кыквинской сельсоветысь но „Козино“ колхозысь колхозник'ёслэн таце умой инициативазы районьсытымы вань колхоз'ёсын но школаосын кутэмын луыны кулэ. Ю октон калгон кутскытозь школаосын вань хозяйственной уж'ёсты быдэстоно.

М. Шкурихин.

СИЛОСАН ПЛАН БЫДЭСТЭМЫН

Киварской сельсоветысь колхоз'ёслы толалтэ азелы пудоосты тырмыт сионэн обеспечить карон понга 432 тонна силос дасяно вал. Та уж котыре колхозник'ёслэн мыльсь-кыдысь кутскеменызы силосан план 19 июле 100 процентлы быдэстэмын. Силосан мынэ на.
С. Исаев.

1941 арын озимой культураосты кизёнэз орчытон сярись

Удмуртской АССР-лэн Совнаркомезлэн но ВКП(б)-лэн обкомезлэн бюроезлэн постановленизы

Удмуртской АССР-лэн Совнаркомезлэн но ВКП(б)-лэн обкомезлэн бюроез пункт:

1. 1941 арын сйзыл кизёнлэсь мынон дырзэ котыкуд район'я, троссэ вераса, тупатоно 10—12 пунал. Кизёнэз 15 августозь быдэстоно Пудемской, Ярской, Попинской, Глазовской, Карсвайской, Базелинской, Юкаменской, Красногорской, Кулигинской, Кезской, Дебесской, Тыловайской, Зуринской но Игринской район'ёсын, нош мукет'ёсаз район'ёсын—20 августозь.

2. Озимойёсты жог кизён понна 1940 арлэн урожайысьтыз кизёно ваньзэ ик кидыслы ярась кондиционной зегез, кудиз колхоз'ёслэн переходящей фонд'ёсазы вань.

3. Зегез машинаен гинэ кизёно. Кын кизыны лэзиське нимаз-нимаз участок'ёс выль гинэ, райзолэн главной агрономезлэн письменной разрешениез'я.

4. Райсовет'ёслэсь исполком'ёссэс но ВКП(б)-лэсь райком'ёссэ соконо:

а) 1940 арлэн урожайысьтыз зеглэсь кидыслы яранзэ 25 июлэз эскерыны но сое кизыны ярамон карыны;

б) чик жегатсытэк кутскыны пар'ёсты киземлэсь азьло гырыны но сое северной район'ёсын быдэстоно 1 августозь, нош южной район'ёсы—5 августозь. Гырыны вал'ёсты тырмыт ужатоно;

в) пар'ёс выль жуг-жаг туры кылдон дыр'я парлы культивация лэстыны, турынан жагмем пар'ёс выль кизыны лэзёно ёвл;

г) кизён азын вань озимой кидыс'ёсты триер пыр лэзёно но протравить кароно;

д) кизы ке киземлэсь азьло, озынык кизем бере зег нумыр'ёслы пумит пур'ясыныны механической но химической ужд'ёсты орчытонэз быдэстоно;

е) „Вятка“ сорт зегез воштон планэз ваньзэ быдэстоно.

5. Удмуртской АССР-лэн Совнаркомезлэн но ВКП(б)-лэн обкомезлэн бюроез вань советской но партийной организациосты, земельной орган'ёсты, МТС-ёсты но колхоз'ёсты тодыто, что выль агротехнической уровеньын кизёнэз дырыз дыр'я быдэстон—1942 арын озимойёслэн выль удалтонзылэн основаез дуэ.

Удмуртской АССР-лэн Совнаркомезлэн председателез А. ТРОИНИ.
ВКП(б)-лэн Удмуртской обкомезлэн секретарез А. КАРАВАЕВ.

17 июле 1941 арын.

Районной Советлэн депутат'ёсызлы но сельисполком'ёслэн председател'ёссылы

25 июле 1941 арын, жытазе 6 часын, Шаркан селосысь культуралэн районной юртэзлэн помещенияз трудящийёслэн депутат'ёссылэн Шарканской районной Советсылэн XX сессиез люкасыке.

Сессийн эскероно ужд'ес:

1. Октон-калтон кампанилэн но сельскохозийственной продуктаосты дасялэн мынэмзы сярись.

2. Социалистической собственностиз возман сярись.

3. Оргвопрос'ес.

Сессие районной Советлэн депутат'ёссылы сяна одно ик лыктоно вань сельисполком'ёслэн председател'ёссылы.

Шарканской райсоветлэн исполкомез.



Родиналэн сю сюрсэн патриот'ёсыз народной ополчилэн радаз султо.

Снимокы: Московской инструментальной заводьсь ополчениц'ёс сборной пунктэ мыно.

Фотоез В. Ковригинлэн.
ТАСС-лэн фотохроникаез.



Кокорекин художниклэн рисунокез.
(Искусство издательствоен поттэм плакатысь репродукция).
ТАСС-лэн фотохроникаез.

Восточной Африкаысь итальянской армиез пазяплэн подробностысь

Лондон, 18 июле. Информациослэн министрствозылэн ивортэмез'я, Восточной Африкаын итальянец'ёслы пумит кампания фактически йылпум'яскиз. Италия войнае пырискыку Восточной Африкаын лыд'яско вал 325 сюрс итальянской солдат'ёс, соос пöлысь 200 сюрсэз колониальной войскоос.

125 сюрс итальянец'ёс пöлысь пленэ кутэмын 100 сюрсэз, быдтэмын 19 сюрсэз, 200 сюрс'ем итальянской колониальной армиясь 60 сюрсэз пленын, көня ке люкетэз пегало, кылем'ёсыз абиссинской партизан'ёс пала потызы.

Восточной Африкаын военной действиес мынон чоже англичан'ёс талазы 800 пушкаос, трос сюрс пулемет'ёс, 150 танк'ёс, трос сюрс'ёсын грузовик'ёс.

(ТАСС).

Редактор Н. ВАХРУШЕВ.
Издатель РАЙСОВЕТ.

ГАЖАНО ЭШ!

Тон гождиськид-а ни „Шаркан коммуна“ газетэз август толэзлы басытыны? Од на ке, дырты! Газетлэн дуныз: 1 толэзлы 45 копейка, 1 арлы 5 манет но 40 копейка. Газет арнялы кык пол потэ.

ДЕТСКОЙ КОНСУЛЬТАЦИЯ УСЬТЭМЫН

Шарканской амбулаторийын 21 июлысен, жытазе 4-ысен 6 часозь, нуналлы быдэ висисьтэм пинал'ёслы детской консультация ужа. Консультациез нуэ детской врач А. А. Трушкова.